



UNIVERSITÄTS-
BIBLIOTHEK
PADERBORN

Arbor Vitæ Sive Vita Et Doctrina Christi

Ex Quatuor Evangeliiis In Meditationes Quotidianas Velvti Totidem Ramos
Distributa

Illsung, Jakob

Dilingæ, 1693

Meditatio CCLXX. Felicitas illorum, qui Divinæ obediunt Voluntati.

[urn:nbn:de:hbz:466:1-60727](https://nbn-resolving.org/urn:nbn:de:hbz:466:1-60727)

crescit reatus pænæ, consuetudo prava & mali habitus magis roborantur, difficultas obtinendi victoria intenditur, vires minuuntur, spes & desiderium emendationis languescit, & animus concidit. Hinc inquit S. Paulus ad Hebr. 6. v. 4. *Impossibile est enim* (id est difficillimum, & moraliter, ac sine speciali DEI Gratia est impossibile) *eos, qui semel sunt illuminati, gustaverunt etiam Donum Caleste, & participes facti sunt Spiritûs Sancti, gustaverunt nihilominus bonum DEI Verbum virtutesque sæculi venturi, & prolapsi sunt, rursus renouantur ad Penitentiam.* Quod non tantum de lapsu in generalia peccata, sed etiam in veterem tepiditatem intelligendum est; quia ferè facilius, & sæpius (ut colligitur ex Apoc. c. 3. v. 16.) frigidus, quam tepidus calefcit.

MEDITATIO CCLXX.

*Felicitas illorum, qui Divina
obediunt Voluntati.*

LUC. 11. v. 27. Matth. 12. v. 46.

PUNCTUM I. *Factum est autem, cum hac diceret (in priori Meditatione relata sunt) Extollens quædam mulier de turba, dixit illi: Beatus Venter, qui portavit, & Utera, qua suxisti. At ille dixit: Qui sunt Beati, qui audiunt Verbum DEI & custodiunt illud.* Luc. 11. v. 27. Considera, quanta quidem sit Beatitudo esse Matrem DEI, ipsius etiam Matris confessione *Beatam me dicent omnes Generationes: Et universa Eccl[esi]a testante, ac dicente: Beata Viscera MARIÆ Cælestis, qua portaverunt aterni Patris Filium, & Beata Uterus,*

que lactaverunt Christum Dominum. Et tamen Filius, qui est ipsa Veritas, dicit: *Quin imò, sive, ut in Græco est, Imò potius Beati, qui audiunt Verbum DEI, & custodiunt illud,* tum per Intellectum firmiter assentiendo, tum per Voluntatem continuò & constanter illius executionem sibi efficaciter imperando, & implendo. Dignitas enim Matris DEI, se solâ, non sufficeret ad æternam Beatitudinem; altera autem Beatitudo trahit infallibiliter secum æternam beatitudinem, & quidem tantò majorem, quantò perfectiùs custoditur Verbum DEI. Gratulare itaque Matri DEI, quòd cum Dignitate Matris DEI acceperit etiam alteram Beatitudinem, quòd Verbum DEI, à prima ejus infantiâ sibi familiarissimè loquens, Eiusdemque Verbi Sermonem Divinum sive Doctrinam illius assiduè audiverit, omnia Verba ejus conservaverit in corde suo, & perfectissimè custodiverit. Unde S. Aug. tract. 10. in Joannem post initium de illa inquit: *Hoc in ea magnificavit Dominus, quia fecit Voluntatem Patris: non quia Caro genuit Carnem.* Pete ab illa Gratiam, & statue firmum propositum illam imitandi, & à Christo promissam, Matrisque Dignitati prælatam Beatitudinem obtinendi.

PUNCT. II. *Adhuc eo loquente ad turbas, ecce Mater ejus, & Fratres stabant foris, quærentes loqui ei. Dixit autem ei quidam: Ecce Mater tua, & Fratres tui stant foris, quærentes te. At ipse respondens dicenti sibi, ait: Quæ est Mater mea? & qui sunt Fratres mei? & extendens manum in Discipulos suos, dixit: Ecce Mater mea, & Fratres mei. Quicumque enim fecerit Voluntatem Patris mei, qui in Cælis est, ipse meus Frater, & Soror, & Mater est.* Matth. c. 12. v. 46. Ecce quomodo etiam illam Beatitudi-

134. *Ab Octava SS. Corp. Christi usque ad Adventum,*
nem, de qua mulier antè dixit, & simul eam, quam
Christus subiecit, faciendo Voluntatem Patris Cæ-
lestis, adipisci possimus. Qui enim facit Voluntatem
Patris, atque adeò Christi Mater efficitur, ille Ver-
tre Christum portat, quia implet illud monitum
Pauli 1. Cor. 6. v. 20. *Glorificate, & portate DEUM*
corpore vestro. Et cum Sponsa, velut fasciculum My-
rrhæ, & Mortificationis, recipit Amoris sinu, ac ce-
dido Innocentiæ lacte pascit, implens illud Cant.
v. 12. *Fasciculus Myrrhæ Dilectus meus mihi, inter*
mea commorabitur. Denique ita sibi Christum Amorem
obstringit, ut non minùs ab eo diligatur, quàm Frater
aut Soror, aut Mater diligere soleat.

PUNCT. III. Considera, quid sit facere Volun-
tatem Patris. Triplicem enim S. Paulus Volun-
tatem Patris memorat, cum ait Rom. 12. v. 2. *Noli*
conformari huic saculo, sed reformamini in novitate sensus
vestri, ut probetis, quid sit Voluntas DEI bona, beneplacens,
& perfecta. Ille ergo facit Voluntatem Patris
qui hanc triplicem Voluntatem implet: Nempe
nam, cum Incipientibus servando omnia Præcepta
Beneplacentem, cum Proficientibus sequendo *Con-*
firmam, cum Perfectis plenè se conformando *Divinam*
Voluntati.

MEDITATIO CCLXXI

De Semine Verbi Divini.

Matth. 13. v. 1. Marc. 4. v. 1. Lucæ 8. à v. 4.

PUNCTUM I. *In illo die exiens JESVS de domo, sedens*